

退

菴

詩

存

退菴詩存卷二十三

福州梁章鉅蔭林

古瓦研齋所藏 國朝書畫雜詩

領袖 承平翰墨場煙雲清供樂郊堂弁山派接華亭派

從此人間重四王王煙客仿古冊一仿黃大癡軸一本

廉州為先生子姪行麓臺即其文孫石谷由廉州而謁先生親承指授並縱觀所藏名蹟學始大進

瑯琊家世列仙班絕藝無慙董巨間收盡煙霞貫虹月鵲

華濃入水村閑王廉州仿巨然江貫道趙松雪高房山王叔明軸各一又仿古大小冊各一又自作

山水卷一皆各具神理又仿松雪卷一自跋謂從鵲華秋色卷及水村圖卷兩名蹟鎔成此圖

侍郎筆法欲通神子久而還此替人惜墨方泰活潑地出

藍誰識妙明身

王麓臺仿米海嶽倪雲林董思翁軸各一又仿黃大癡軸二本朝畫家以先生為

大宗而魄力沈厚雖源出子久竊謂有過之無不及也惟惜墨乃能潑墨即先生仿米軸自跋語

江山幻出王郎筆

吳梅村句

萬派清暉接太倉

石谷家有清暉閣因自號清暉

主南北宗風歸一手恰宜詩格匹漁洋

王石谷青綠山水大冊一淺絳山水

冊一又仿古冊二又仿北苑巨然李營邱吳仲圭郭天錫

王叔明軸各一仿趙松雪軸二又借楊子鶴馬扶義合作

松竹梅卷一又借憚南田合作畫稿小冊一張蒲山謂畫有南北宗至石谷而合又論其品比之王阮亭詩皆諦當

也語

南田逸韻壓耕煙懷抱時從畫裡傳我笑世人多耳食但

將花草比黃筌

一幃南田仿古山水冊二寫生冊二便面冊

雲麓竹激湍及春水船拙政園軸各一相傳南田好畫山水及見石谷所作自以材質不及遂舍而專事花卉自言於山水難打破一字關曰窘而逸趣橫生脫出皴擦蹊徑正恐石谷少此意境也

渾厚華滋氣獨全密林陡壑有真傳不教墨井輪烏目論

畫司農見未偏

吳漁山仿巨然米敷文黃大癡吳仲圭軸各一又自作山亭策蹇軸一墨竹軸一漁

山畫宗元人尤得大癡法嘗從石谷借大癡陡壑密林軸數年不還石谷索之急乃語人曰石谷吾友也陡壑密林吾師也去吾師不如斷吾友竟絕交王麓臺論畫每有漁山而左石谷自是法眼而張浦山以爲司農之軒輊未免名士習氣漁山筆力尙未抵石谷之半云云恐非篤論矣

墨林鑒古冠時賢偶與藏真證墨禪澹對江村甌乳活解

嘲底用免題錢

項墨林臨懷素千文卷有高江村跋墨林書畫並佳而詞句多累當時乞其畫者先

以青錢三百餽小童須其畫畢即用印記持出謂之免題錢

笑哭無端意黯然

世傳八大山人署款四字必聯綴其畫類笑之或哭之

姓名難據

外人傳誰知剩水殘山感早在天荒地老前

八大山人山水卷款署辛

已呵凍寤歌草堂按畫徵錄載或曰江西人姓朱名耆字雪箇故石城府王孫甲申後號八大山人而此卷作於辛

巳則為崇禎十四年已有八大山人款印或說殆不足據歟

煙雨濛濛二月春酒旂溼盡綠楊津樓臺一霎繁華換灑

涕東風大有人

陳堯峯畫江南春詩意卷自書唐人千里鶯啼一絕句張伯起王百穀皆有跋而吾

閩黃忠端公跋語有周京黍離之感款署崇禎後二年丙戌書孤臣忠憤隨處觸發不僅為斯圖增重矣

作書如畫畫如書飽入風霜老筆餘鄭重山樓重九日茂

林枳棘總愁予

陳章侯花卉卷多作枯枝瘦石有悔遲弗遲等款按自題詩祇稱山樓重九日殆晚

年筆也竹木飽風霜乃能入老筆又枳棘何可言茂林非爾處皆自題句

天籟餘風出雅材作家士氣妙能該但看刻意追摹處真

向前人血戰來

項易菴山水冊大小各一易菴為墨林文孫董思翁嘗跋其畫云樹石屋宇花卉人

物皆與宋人血戰而山水又兼元人氣韻所謂士氣作家俱備者也

江南祭酒感興亡細柳新蒲寫夕陽恰與吾家存舊話雕

欄莊似午橋莊

吳梅村雕欄莊圖卷余得之婁東舟次按雕欄莊歌見梅村本集不言作圖今觀卷

後跋及所附二札知詩本為寫圖作雕欄莊為前明梁貞敏公別業蕉林先生之曾祖也

晚出翻存波磔真千年絕學返先民程林顧鄭當時體物

論終推塾角巾朱竹垞臨曹全碑冊為畢秋帆先生藏本

完力思復古而闕里任城諸刻始盛行於時曹碑以晚出

輩自命為能書八分者皆先生為之提唱也近桂未谷謂

竹垞八分如郭林宗塾角巾聊復爾爾亦一時戲言耳

愛好工夫世共推精華要是寸心知千秋師弟同風味曹

盛何嘗贊一詞王文簡手札冊凡二十一通先生嘗屬門

復商確之語觀此始知漁洋精華錄出自先生

手定而託名於其門人曹峩眉盛誠齋二君也

漢瓦開山始二林次公精楷冠當今芭堂不作蘇齋渺蘭

話因緣孰淺深林吉人甘泉宮瓦圖記冊康熙辛丑吉人

之兄同人從淳化縣山中獲廿泉宮瓦吉

人爲之拓本作記裝冊徵詩自漁洋竹垞下皆有題詠瓦
當文字今盛行於世其端實自林氏發之張芑堂金石契
會以此冊著錄而尙有闕遺不若此本爲蘭諸堂
舊物余所見吉人楷字最多無踰此記之精絕者

竹巢陶舫閱塵塵蒼琳瑯筆有神數千里遙廿年隔終

教寶物合延津林吉人焦山鼎銘冊焦山鼎釋文始於徐
興公吉人得其手稿裝冊並附錄王西樵

漁洋各詩宋商邱朱竹垞汪堯峯各記於後又有徐虹亭
周雪客吳退菴各題語余初得鼎銘鼎圖及施中跋林跋
數紙攜至京師後廿年丁兒又於福州獲後附錄
數紙乃恰續前紙之後頗復舊觀因合裝成冊云

侍御豪端作作芒畫筌書筏自評量南徐山水兼雄麗粉

本天然敵暉王筌江上山水冊江上與南田石谷
爲畫友所著書筏畫筌余未之見

一卷閨圖雅頌聲江南井里卽蓬瀛石湖當日無斯福老

退菴詩存卷二十三

四

鶴雛鷓鴣倍有情錢文端田園雜興詩卷和范石湖集中韻凡三十一絕句文端首成十一章其次男

汝恭成十章從孫載成十章文端並錄成冊載又畫詩中所有物凡五種附於冊後

名臣各士又各山翰墨因緣豈等閒前輩飛騰餘綺麗後

塵也許我躋攀錢文端攝山唱和詩卷此公自錄次韻尹文端公和袁簡齋游攝山詩寄贈盧雅雨

都轉者都轉復備錄簡齋原唱暨尹文端沈歸愚彭芝庭

諸先生和作而附以已詩又有王穀原傳玉篴二君和題

時余游攝山歸亦有所作而此卷適來裴池已

敝因屬王叔畦孝廉補圖合裝並附拙詩於後

門第聲華豔海昌墨池定影覩香光篆師草聖源流合更

許翻身楷則彰陳春暉臨爭坐位帖冊平原此帖是草書蘇齋老人跋余舊本謂寶參篆法春暉此

本又以楷法行其風趣亦未嘗不合也楷則彰語見米海嶽蘭亭跋

寫生妙以寫枯傳託始包山與石田誰識雪漁家法近棲

霞逸筆本天然

馬扶義寫生冊十二幅自跋云辛巳夏避暑栖霞山房偶寫此自謂稍得沈陸筆法

按扶義父眉字雪漁寫生入神品余曾於他處見之

自寫胸中邱壑清虞山婁水共崢嶸如何白苧村中筆竟

聽詩名掩畫名

徐虹亭山水冊八幅冊首有朱竹垞題字虹亭以詩名畫不多見此本消染深厚其

筆力蒼勁在麓臺墨井之間張浦山畫徵錄獨逸其名不可解也

海湧山前舊畫圖墨緣游事巧相符庚寅重有騷人至塔

影名園幸未蕪

楊古農白隄秋泛卷款署庚寅九月廿有六日泛舟虎邱作蓋順治七年也卷首有

顧云美分書題字余以道光庚寅秋月獲此卷適招朱蘭坡吳棣華王香湖三君游虎邱飲於白公祠卽顧云美塔

退菴詩存卷二十三

香囊塵尾少年場老去心情轉渺茫逝水浮雲過幻境畫

中息壤自難忘禹鴻臚西神采藥卷有朱竹垞繆湘芷下

未詳其姓系近人馮登府撰曝書亭集外詩據此入卷亦

注云未詳其人余閱全謝山歸琦亭集知為故甘撫胡復

齋遺照胡名其衡字元方為前院長侍郎統虞之孫江蘇

布政使獻徵之于故竹垞詩有學士方伯語胡以舉人官

翰林典藉出判夔州與大將軍年羹堯有舊又以才見知

遂有不次之擢年敗後放還此圖之作則當方伯引疾治

園惠山時西神即惠山也王謝風流終

得遂其初服亦可謂無負斯圖者矣

北渚東藩夢往還江南重對雒華山雨深秋翠濃於染真

與鷗波伯仲間禹鴻臚仿松雪雒華秋色卷昔人謂松雪

是圖山頭皆作青綠全仿王維遺法雖尺

許小圖而有無窮之趣此幅刻意追摹故得神似

丹青妙手信無倫不貌尋常行路人料得鴛湖歸老日門

生載酒日相親

顧仲清寫竹垞翁八十小像軸仲清名姓不見曝書亭集而署款曰同里門人固追

隨於先生者也按集有贈顧銘序言鄉人顧子挾藝游京師遇予於天津寫影惟肖未知卽是人否也畫徵錄顧銘

字仲書嘉興人

涇南健筆近無儔況與人間重此樓清晝焚香澹無事夢

凭危檻俯江流

張文敏公岳陽樓記冊今彼處石刻本爲十二長幅此其原寫本也裝潢家剪裁成

冊耳冊中惟耀金作躍金與石本異

新羅畫手健秋鷹詩亦清新得未曾卽向浙東論通藝方

蘭奚鐵生而外孰爭能華秋岳山水冊十六幅秋岳本吾閩人自稱新羅山人新羅即龍巖州也
客揚州最久晚居杭之西湖觀此冊則詩字皆擅能不僅畫也

秋林畫意入詩明海濶天空自在行老向官中圖采石如

君猶自累聲名蕭尺木山水冊及軸各一各有自題詩句畫既清超詩亦閒曠一番海濶天空處一

片秋林野水明皆軸中句也

湖山收入墨痕鮮一首詩成一畫傳如此清游真不惡阻

風中酒任年年黃嬾瓢水墨雜景冊十二幅皆淡墨自寫所歷之境而以小行楷各附已所作絕句

一首畫著秀詩稱之字復精勁世傳嬾瓢畫書詩可當三絕此冊乃見真面目一洗他本槎牙枯瘦之習

清時磨鳳列仙班漫有歸心到故山行帳花疎宮漏靜

偶從天上憶人間

蔣文肅公寫生卷自跋為屬從滌陽退食行帳每思家鄉花果魚鮮之屬拂几

伸紙寫一二種不計月日遂成長卷蓋非一時所作宜其天趣流溢自然超妙也

長日粧臺坐翠微自家山館寫芳菲但從家學論三昧笑

問仙心果是非

文端容寫生冊十幅魚藻軸一近王夢樓先生題魚藻軸謂端容畫在文氏門中另

有一種風氣而出以柔腕故為獨勝按文氏自待詔以下擅長皆在山水僅以餘事作花卉小品端容專工寫生不

宜提以並論也

一花一鳥總精神海內流傳

御府珍詎但白陽家派衍我師衛管兩夫人

陳南樓寫生冊十幅陳為

錢文端公香樹先生之母自號上元弟子欵署庚寅暑窓摹古蓋康熙四十九年所作幅末有衛管夫人皆我師及

白陽家
學各印

惲家畫派滿毘陵詠絮閨才亦擅能繞座風香兼露氣也

應清勝玉壺冰

惲清子花卉軸清子為南田族曾孫名鍾蔭女適同縣毛鴻調見惲子居大雲山房

文集畫徵續錄以為南田女者誤也

殺粉調鉛畫折枝亦如寒女弄機絲織成錦段從人買誰

見牽蘿袖薄時

馬江香臨宋院本大冊馬為海虞畫家扶義女適龔元和伉儷並工書畫家貧以繪

事為生復以節著見畫徵續錄琴川新志

東園落成雜詩十二首索同人和作

藤花吟館

二十年前舊宅有老藤甚奇古曾集同人開吟社其間陳秋坪先生為題藤花

吟館四字今屢易主矣而舊扁猶存適園中有藤一架仍以爲額

昔者藤花館久矣非吾廬一樹復在茲仍堪入畫圖俯仰

廿載羸翩然已遂初所愧詩不進詩外無工夫

用陸放翁詩意

榕風樓

家居多暇蒐輯閩詩自唐五代至國朝合爲東南嶠外詩鈔綴以詩話將脫稿矣

而是樓適成喜而紀之

園中本無榕曷以名我樓我鈔閩海詩榕風一樓收區區
敬其意孟晉希前修我志豈在樓此樓亦千秋

百一峯閣

閣左連榕風樓右達賓月臺距地三丈餘尺城外諸山悉在眉睫因約舉其數

以爲閣榜

退菴詩存卷二十三

八

環城皆成峯豈宜限百一就可指數者森森特秀出三山
如列鼎雙塔如卓筆一閣領其勝城中殆無匹

荔香齋

榕風樓前庭柯陰翳而荔支爲之長遂以名齋

宦遊二十年荔時必回首濃陰忽在眼嘉實佇入手坐享
色香味庸庸福何厚但恐蔡與蘇空中笑裂口

寶蘭堂

吾齋藏褚臨蘭亭黃絹本爲海內有數墨寶曾勒石於吳門歸田後攜石與俱作堂

貯之爲作詩

褚臨絕瓌奇米跋亦淵古上石自吳門瑤臺耿風矩持歸
詫朋輩眼福到瀛滸度之以華堂吾鄉之定武

曼華精舍

庭前老桂一株雜花相間中為精室兩間取伊墨卿所贈舊扁懸之

昔寫梧竹窗無梧亦無竹

余曾取蘇齋師論詩語作燈窗梧竹圖名流題詠甚多

今

營曼華舍扶疎樹繞屋果否木犀聞有無梅子熟是身作

天香何分香味觸

蕭碧廊

廊長而曲與竹相屬從叢篁茂密處取徑以通於庭故以竹為主而題其門

修竹不嫌多長廊不嫌曲恰從竹深處闢出一徑綠蔓風

生聲聞韜日澹炎煥何須豔響感卽此差免俗

般若臺

臺凡三成空曠可四望右壁獨寬爰手摹李少溫篆字於壁卽為臺名

東園最高處亦名般若臺為有李監篆政好供磨崖笑對

烏山巔巽岑乃同菩定知亘天虹夜夜光昭回

賓月臺

臺之高與樓閣等而東而立得月最先命之曰賓月臺而系以銘鐫之壁

招月月即來形影成三人招賓月下飲與月迭主賓般若

何必假鄰霄何必真

臺之對壁勒鄰霄二大字亦從烏石山摹來者

今月即古月

此臺景常新

澹因沼

沼中無他物而水甚清憶吾宗伯鸞高士遺句云無營無欲澹爾淵清因取澹因二

字勒諸石

無營復無欲澹淵信余情宗賢有遺訓恰宜此沼各不須

菱荷鋪亦無藻荇橫所欣臨水影依然在山清

小澹浪亭

方池之右雜花修竹之間有小亭翼然偶憶吳中舊事題曰小澹浪亭

憶修澹浪亭佳話喧吳中歸來補茆屋詩夢猶惺忪並水
取微徑竹石隨塲隆光景諒不殊所得則已豐

浴佛泉

四月八日於搭風樓前澹井爲灌花計耳甫三尺而清泉湧出其勢甚暢因疊石爲

小池名之曰浴佛泉

鑿井乃得池所得非所擬恰當浴佛日現此功德水非惟
養魚便更喜灌花邇水到渠自成靜觀悟其理

霽峯招集小西湖開化寺啜荔

匝月情懷付永歎相逢未敢勸加餐

時米價猶未平忽聞折簡應

狂喜齊向湖西理釣竿

回首前塵三十年重憑軟語接諸天樹猶如此人俱老佛
火齋鐘一惘然

老饕漫詡腹便便已覺風流遜昔賢坐對冰丸三百顆七
人難學一坡仙

且從墟落鬥杯觴撫卹躋攀兩不妨焉得菩提如此樹徧
教鴻澤飫天漿

鑑塘續爲逗暑之集追和笏舩坐雨懷人韻

蛟螭入市舟入屋西南十家九家哭吾家積水亦上階半

月杜門作雌伏清晨欣報鵲聲乾鰲岫飛來招客畢納涼
恰值荷花淨買夏還宜荔子攢七人依然舊儕偶交期不
讓竹林友搏沙放手會有時所賴新詩記某某三山吟社
誰最豪崑山深處草堂高馮夷掀舞毫無礙詩境由來結
構牢笏輶亦陶舫被水最重刺史胸中氣鬱勃甘向東山老歲月自
怡軒裏易回瀾情話瀾翻猶不竭霽峯家亦被水而自怡軒獨得免秋曹
夢久隔鳴珂論事尙能軒大波綠楊與我隔鄰住酒酣歌
嘯無殊科西川令尹情文茂堯峯倦鳥閒雲早還岫高談雄
辨一座傾風趣橫生三爵又端公才可運籌量雲帆百斛

來龍驤

叙齋勸運臺米以萬斛計

如何梓邦永被澤佇聽鳴鳳吼朝陽

臺米多分投浙粵兩省自孫文靖弛海禁始吾鄉至今病之

長林太史儒林望一領青

毡獨無恙倉皇甫定卽開筵招邀重使吟情壯

笏軒懷鑑塘句有雅

集訂期改屢又之句蓋始因阻雨繼復阻水故遲久始得踐約云

憶我與君同登

朝當

時意氣摩雲霄一麾中外忽殊局濯纓獨聽滄浪謠祇今

故山齊引退笑看出山復輩輩

去歲爲雪某芸卿餞別今笏軒敘齋又將相繼出山

矣代飛燕雁無時無小聚便當理槃敦相期詞源三峽傾

且莫藉口紛多營野潦旣消風雨靜無事正宜歌載賡從

此蟬聯還幾局卜夜何憂日不足周而復始未渠央華黍

由庚詩繼束

鑑塘招集鼇峯書院嗽荔追步孟瓶菴師鼇峯荔枝
六首韻

論文何止一樽宜最快輕紅擘陸離底事調冰還雪藕荷
塘恰是納涼時

移得楓亭易地良分來貢樹卽天漿干霄已判尋常物況
是當年蔽芾棠

絳紗風矩耿難忘我亦曾隨角藝場飲罷瓊漿齊有感海
山舊夢已蒼茫

劇憶分甘三十秋冰清堂畔幾追遊重來獨有韓門淚李

漢於今也白頭

嘉慶癸亥外舅鄭蘇年師主講席蒞時輒承招飲

三山此會盛遨遊邯鄲數嘉州又惠州我亦有園堪買夏相

期重作醉鄉侯

訂以後三日重集余蒞香齋

此間花果共關情難得今年暑雨清

鑑塘新來主講館政一清斂盡炎

威消盡渴肯教人笑老饕生

重陽日招馮笏軒趙穀士郭蓮渚吳魯庭

贊韻

集東

園次笏軒韻

歸田但博花下飲襟袖餘香復餘瀋今年重九却無花賴

有新詩豔舒錦東園深處屢開觴
榕風樓檻多秋光百十
峯巒相拱揖攬盡朝陽還夕陽
咫尺不煩濟勝具複闌
廊快平度也算追歡一勝區
可堪良會無題句祇惜秋晴
邈往年沮洳三徑溼苔錢
烏石山頭游屐少剩得山齋幾
詩老山齋冷趣人不知盤飧草
草杯行遲堪笑三人隔延
佇豪吟宛被催租阻齊峯鑑塘兒輩秋捷香
農有女弟之喪均未到中年哀樂不
同科等是喁喁兒女語我獨索
詩如索逋城西主人德不
孤繼集長歌已脫手八寶倏現
須彌盧視我年年作重九
約我臨歧一杯酒登高無若

帝城高霖雨功成儼回首

時笏輒將入都赴銓

十月二十日霽峯招集自怡軒是日會者八人笏軒
最長年六十七逆渚六十六霽峯與魯庭同六十
五穀士六十四余與鑑塘同六十香農最少亦五
十七合成五百四歲口占索諸公同紀之

八人五百有餘年便擬耆英小會傳座有南豐香瓣合觴

分西母露華鮮

翼口爲霽峯夫人壽辰

欣看玉筍森成列

八家子弟中本年登

鄉薦者三頁成均者一

笑對黃花晚更妍

今年十月始見菊

畱與三山作詩

話飲中仙卽地行仙

題南唐李後主墨蹟冊用歐陽文忠和劉原父澄心

堂紙韻

紙本行書禮記經解一百六十四字另紙有米友仁奉敕審定等字及宣和御覽各

印

鴛鴦寺主雕龍才錦洞天中無點埃撮襟捲帛一揮灑千
秋藝苑成珍瑰黃花漲消天水碧保儀所掌飛塵煤安仁
子建雜沓至拔山白甲空崔嵬此書厯劫獨完好數片不
共燒槽摧寒松霜竹森在眼如此顛筆誰能哉天禧塔毀
舊經出黃羅扇底秋風哀詎若莊書至聖語如對夏鼎陳
商鼎周公孔子去人遠百家雜說歸心裁富民好生亦令

主人國知教詞非詆區區不在撥鐙法足令讀者心顏開

如何昇元十丈炬江南江北餘荒臺記余眼福三十載也

似清淺經蓬萊冊爲故友薩香三孝廉所藏余三十澄心

堂紙果精好宣和篆印紅枚枚雲煙過去竟入手上與褚

緇堪追陪余齋所藏古法書以褚臨蘭亭黃絹本爲甲觀次卽此冊自餘皆宋蹟矣翹軒但自

矜帶寶讀史且莫嗟檀來

黃樓作坡公生日同和壁間蘇齋老人韻

又是坡仙壽誕期小園冷趣幾人知舉頭雪意能無酒照

眼梅花正要詩誓水憐公違素志歸田愧我值清時黃樓

潤絕蘇齋夢盛有心香嚮往之

疊前韻題黃莘田先生遺像研

秋江香草想襟期濱海才名四海知黨錮代傳江夏譽先生

爲前明黃坤五太史曾孫循良情見道州詩先生爲循吏在官

卽與黃忠端公同下獄者見諸詩具絕無猿鶴歸山怨笑倒虬蟬撼樹時志局近珍重

韓陵一片石瓣香舍此欲何之

除夕前三日集霽峯自怡軒和笏軒韻

形役感勞薪歲華轉夢轂壯齡覺年遲暮齒晤景速今冬
盛游讌消寒屢往復我方闢藤館君亦敞蘿屋雖題自怡

退菴詩存卷二十三

去

軒實滿名流躅萬錢箸不煩五加酒初漉吟哦門清新談
諧雜雅俗索逋時自喧卽事題已續前稿督未了後期訂
彌篤辦香寫莘田畫義拜玉局非惟務標榜實將丐膏馥
杯底惜屠蘇鑑中換商陸沈香待歐九釀雪望滕六渾忘
桃符易莫問蓮漏促大雅須扶輪閒愁漫量斛瞬軒人曰
酒春色新潑目

後集約
以人曰

人曰集亦陶舫和笏駢韻

清吟雅集兩相期一飲無名要共知舊債須申金谷例

客

約題黃莘田遺像新題先就草堂詩詠諧莫但矜方朔圖

研同人詩皆未成

畫還應繼伯時從此八仙成九老

陳蘭隣解組新歸卽入會

月泉洛社

合兼之

鄭硯歌

硯爲明季諸生鄭露故物長四寸六分寬二寸七分左
旁刻天風吹夜泉五字八分書又楷書湛若二字明福
洞主白文方印一舊藏梁山舟學士王蘭泉侍郎處今
爲馮柳東庶常所得庶常寄示石經閣鄭硯唱酬集屬
題詩因約消寒會同人作

我曾摩挲信國松風琴如聞青原寺裡蕭寥音又曾手搨

橋亭卜卦硯墨痕點迷離雲一片文山疊山不可望玉
麒麟客亦渺茫南風銷沈綠綺失一硯乃不淪滄桑其長
四寸強其寬三寸弱明福洞天之所鑿旁有稜稜字湛若
當年蘸筆千萬言此硯早憐僉王魂歎然仗劍走絕域此
硯曾平五花賊鬼門關外非故鄉相思寨裡迴深腸鳳裘
蝶綃美無度研亦離合爭神光蠻雲詎如海雪豔王母雲
旗空晝現橐硯歸來却抱琴此心匪石不可轉我讀赤雅
神愕貽白丁黑丁如列省比年天戈指南徼八排扼塞
藉此俯而窺乃知腐儒蠹簡亦有用此研策勲奚止銘鐘

彝何況精靈所蟠結赤者心肝碧者血蟾蜍忍淚不敢流
親見成仁刃如雪不惟其物惟其人勺園什襲別有真清
時經國須大業畸才苦調豈所珍梁山舟王德甫大雅先
君作硯主知君得此軒且舞會有天風吹夜泉蒸出春雲
作霖雨

花朝集林鑑塘竹栢山房次笏軒韻

漫言老學苦骸筋也愛隨緣如是聞剛爲歲寒聯近局倏
看春色屈平分閒身忙到花都笑老態侵來酒易醺聞說
原田霖雨足尋芳齊願趁晴曛

勞勞匝月靳清游

時爲義倉勸捐

愧說誰家萬丈裘里社蓋藏關

本計海邦志乘費旁搜

當事以省志稿委余勘定

可憐名士多於鮑誰

信潛夫拙似鳩剩有閒緣繞清夢牡丹放後木香抽

同人宅中

有牡丹者二家有木香者亦二家訂以花時小集

牡丹已開集同人賞之次笏輶催花韻索詩

傾國仙姿醉靨酡錦幃拍手見真娥風光早許蕭齋占詩

客還先羯鼓過憶到豐臺春夢遠移從茂苑酒痕多鬢絲

禪榻年來味爲報東皇奈老何

春風如剪雨如絲風約芳期肯後期似此樓臺不同賞縱

然富貴有誰知一叢便稱金尊對三徑何煩錦幃施好語
諸君傳彩筆珊珊莫但惱來遲

吳魯庭左右筠簞小照

虛心直節又靈根愛竹高人與默存白石清泉同寫照粗

枝亂葉自尋源吟懷欲接王官谷畫理還資鄴道元人皆賞司

空表聖左右修竹之句而不知左右筠簞語本鄴道元水經注更在其前我愧坐中託佳士歲

寒心事要深論

瑤草齋前十笏寬長年排日報平安鳳苞早綯丹山麗鸞
尾齊看碧玉攢眼底萬花方馥郁胸中千畝自檀欒況聞

淇澳詩材富收取琳琅助古歡

魯庭此畫徵詩甚富

喜雨

聽徹通宵浙瀝聲一春民望慰怵怵不須說到箠車滿已報街頭米價平

無田似我且看軒何況田家笑語喧麥隴秧畦齊滲漉自然波及到東園

游宦何如聽雨眠放翁詩句動人憐隨車客亦匆匆去我

與齊民共黠然

雨中送鄭楚白方伯歸里

盛召和甘豈偶然大官禱祀本精虔楊枝灑徧渾無事始

信靈山卽佛天

先一日迎鼓山觀音大士像入城翼日卽得雨

魯庭以玉瓶盛開集同人賞之翼日復以盆栽見惠

疊牡丹韻賦謝

連日杯觴倚醉酣飽看濃豔鬥紅娥花新却喜人如舊香
勝何妨色不過百六風催金粟綻萬千春入玉壺多歸來
試檢羣芳譜奈此羌無故實何

黃絹新辭配色絲遨頭舊局趁芳期漫言守口花先笑忽
報移香蝶已知消受君如放春蔣護持我是效顰施曼華
深處添詩料直待來年賞未遲

退菴詩存卷二十四

福州梁章鉅蔭林

道光乙未初夏恭奉 恩召北行紀事二律

九重恩重一身輕肯向林泉戀舊盟

天語早教蠲夙疾

奉到回籍迄今三年

諭旨有前因患病請假就痊之語

炎威邇

敢憚遐征煙霞荏苒三年易家室蒼茫百感生

適屆鄭夫人大祥之期

從仕居閒俱有愧此心那不似懸旌

爭說摩霄勝倦還艱難時事總相關崇朝敢信膚雲合去

日徒嗟鬢雪斑十載就瞻紆積愫

自丙戌入覲追茲十年

一家忠孝

動歡顏旁人錯比東山起又恐移文到北山

三山詩社同人排日飲餞賦詩繪成榕陰話別冊贈

行舟次題冊後寄謝

偷閒急退忽三年博得新詩里巷傳來往正欣蘭話洽分

離偏值荔香鮮

東園荔實已成

人當老境難爲別詩有真情語自

妍直到洪江揮手後回頭多少地行仙

時馮笏軒郭蓮渚曾霽峯吳魯庭陳

星垣諸君皆送至
洪江舟次而別

小住浦城祝東巖親家招同魏和齋太史

敬中

飲有

斐園用題榕陰話別冊韻奉謝

芳園一別倏三年重喜杯觴竹裡傳各士幾如池鯽好老

饗真愛石鱗鮮浦城石鱗魚味美甲於南中憐余小草偏懷遠羨爾幽

蘭自發妍元遺山詩小草不妨懷遠志幽蘭誰爲發幽妍何日賓雲續清讌座中

早有武夷仙調魏和齋

夜度仙霞嶺

暗中山鬼笑人忙踏盡危峯夜未央昏黑不知凌絕頂忽

驚萬丈逗霞光余舊有楹帖在山寺門外暗中僅辨得萬丈霞光四字始知已到嶺顛也

招隱篇贈廖儀卿觀察鴻藻時寄居衢州城中

似隱不入山似仕乃寄廡三衢城中冠蓋聚中有高人情

無侶憶我拂衣守衡廬聞君亦復歌遂初日日街頭盼君
到差喜煙霞道不孤今我岫雲已重出轉恐與君交臂失
他鄉相遇要深談一別蒼茫百感集我歸正恨君來遲我
出又妒君真歸不情之情亦中理願君且休理荷衣我歸
漸苦米鹽累君歸未知何所恃聞中米鹽之艱爲吾生以來所未有不須嘆
口談蒼生吾鄉久已艱生計今人招隱招歸田昔人招隱
招出潛試將古義證時局一笑問君然不然

舟行七里瀧口占

巖江七十里山水最清妙卽事本多欣茲行非所料兩山

夾雲樹絕無畫簷叫翻疑昔人詩吟賞欠工肖復無魚可
買真合彈鋏調子陵倘復生當亦罷垂釣嗚呼物產微其
機須利導飛潛失其常何可責大造耳中無磔磔眼底失
罩罩半日對空江呼觴一粲笑

杭州城中畱別吳退旃總憲

時總憲奉
命督修海塘

夕陽明處萬家煙我到誰分一榻眠舊雨偏隨今雨至
苦旱是夜
適獲甘霖使星恰與客星連東華情話頻覩縷南紀波瀾
費幹旋我亦驛征忙未歇西湖勝踐待他年

吳門喜得惲王合作墨柳冊前後有張无悶

遠題筆

吳縣令湯子燮譽光所贈

南田工寫柳石谷彌清新茲冊合手爲精妙無古人而我
所深慕乃在鄉先民張郎本詩老題筆尤堪珍昔年乍見
之含意却未伸他鄉遇鄉物安能不情親奪好非我素論
值嗟吾貧展轉竟舍去那復生貪嗔誰知數片楮亦繫果
與因相思五年餘離合如有神湯子慨相贈謂未審僞真
話別此或宜如唱陽關塵湯以門弟子禮餽憚王亦何
有此蹟應歸閩冥中天涯子張無悶又自巧爲還珠頓忽
驚短篷側虹月輝璘彬我詩聊紀事墨緣結陳陳不敢污

紙尾恐同寒具顰

陳芝檣方伯招遊定慧寺蘇祠

祠藏蘇公所書歸去來辭殘碑

偷閒攬勝轉郊廛雙塢陰中小有天吳地重尋苔蘚古蘇

齋又締菹蘭緣

祠爲李蘭卿觀察所修

開軒如接風篁嘯

祠後舊有嘯軒仿黃

州定惠院而作畫水同叅雪浪禪

蘭卿以蘇齋所揭雪浪盆銘藏於寺中

五百名賢

香火外不妨更衍百坡仙

失笑弁州跋語詆觀碑何必諱歸來

弁州山人嘗云予所見蘇長公書歸去來

辭不少然見輒愧之又云世上貴人嗜書畫若渴獨此辭以見諱得免

滄浪過客原同調菱

舍新陰幾俊才

謂周文襄況太守及芝檣少穆諸君子

李委閒情先不朽朱

完真像孰能陪

是日芝椿招同許心梅姜小枚朱桐生黃穀原及大兒逢辰四兒映辰同集倩胡芭

香合寫胥江話雨小照

蜀岡此去增輪奐載酒堂中首定回

聞蘭卿新建宋

三公祠於平山堂近處

定慧寺題尤水邨所作周種石鉞圖

二十年前欠作詩芙蘭石雪共離奇江村風味新泉活一

笑榕園此意知

嘉慶丙子丁丑間蘇齋老人曾以此圖屬余及劉芙初李蘭卿陳石士吳蘭雪題句

嗣石士亦以所製石鉞箋索詩皆未成篇邇還覲此如晤故人適以高江村著壺畱贈蘭卿倘為作詩又成一重詩

也話

小住胥江承林少穆中丞招飲賦詩索日不倦別後

疊北行韻寄酬二律

雲氣崇朝觸石輕，告天精白有心盟。

吳中久旱，君虔祈得雨，而余適來同人贈。

詩多借此相譽。

翻言甘雨真隨至，自愧炎威正述征。話舊恰逢官

釅熟，開襟更趁圃涼生。

君於署中闢地爲圃，雜藝黍稷，築亭爲觀稼所。雲汀官保顏曰：後樂。

時官保以催漕駐袁江。

一般後樂名亭意，驤首袁江駐旆旌。

連日鈴齋屢往還，幾番離思繞江關。頌聲久聽棠陰滿，鄉

味齊忘荔子斑。偶涉詩緣總關政，深談民瘼少開顏。清時

開府憑宏濟，莫擬當年庾子山。

又疊前韻寄陳芝檣方伯

高牙影裡筭輿輕箴白堂中話舊盟
暘雨天心關氣運艱難民事在輸征
三年讓我成閒局半壁資公計厚生
感愧新詩遠相迓因風甘澤灑前旌

長史亭邊熟往還更欣載酒款詩關
濯纓水入前溪碧量

帶松如舊日斑幾處園林添勝賞一
時賓從慰離顏謂姜小叔

朱桐生佳遊且與羈塵隔莫笑閒雲已出山
許心梅

挈逢辰映辰放舟游焦山信宿松寥閣
疊前韻

萬頃中流一櫂輕又從山水問前盟
眼明島嶼如招隱背指江城作遠征
擊楫怡逢潮意軟倚蓬欣對月痕生
寺僧

相見不相識笑訝悠悠少旆旌

余在江南五年數次按部至此皆僚從如雲茲行惟

兩兒及數僕

五載江南數往還此間詩夢最相關
栖心夙愛精藍好洗眼重窺寶墨斑
但恐隱仙應竦誚且教兒輩盡歡顏
來緣笑問石淙老玉帶何年還故山

同逢映二兒觀道千秋崖兩僧對弈

閒人莫僧若我令以弈爭勞人莫我若
旁觀但冥冥觀弈貴不語何有於凌矜
二子亦默存但聞響丁丁勝負均可
喜成虧雨無形閒者轉成勞勞者神自凝
卽此杜德機何

但超三乘此境豈易遇此心了無營仰看山月白俯聽江潮生

自焦山乘小舟至瓜州用坡公自金山放船至焦山

韻

樓船昨日來耿耿蒲帆十幅橫山南今朝逆流歸路野
航恰受人兩三快槳瞥飛過去鳥矮蓬偃蹇同眠蠶入山
不深出山易名山回首吾先慙登高未壓鷹隼背破浪復
狎蛟龍潭勝遊於我何所得所喜詩筆猶沈酣粗吟未必
卽傳後要勝客位官常談金山咫尺如招我撞鐘擊鼓開

禪龕拱謝山靈掉頭去嗜好已似分辛甘我愛坡公游山
語有限莫趁無窮貪揚州燈火漸照眼故人久待將奚堪
聞廖竹臣權守先一寫詩還就舊官舫寄質山中老借菴
日已到江口相待
焦山詩僧以詩贈
行並出詩集相質

舟過揚州李蘭卿觀察招謁宋三公祠飲於桃花菴

和蘭卿落成韻三律

千秋壇坵屬東南今古名賢席共叅何判雙亭與雙石

雙亭

見歐陽公與韓忠獻公書真宜重九又重三

祠祀定以三月三日九月

雙石則觀察署中齋名也為期栽花已徧招提境嘯竹如聞定慧菴

君在蘇州時所修建名勝

地兼風雅主爭教過客不停驂

俎豆馨香一室中年華德望理宜同自應衣鉢歸耄叟別

聽蘋蘩祭阮翁

平山堂舊有三賢祠祀歐蘇及本朝王漁洋今已廢

明月勝區照

定論凌雲署榜仗名公

祠額爲陶雲汀官保所題

竹西他日徵文獻記

取榕園第一功

榕園爲觀察集名

一港灣濼剩此祠登臺民物尙熙熙力持風會須吾道要

考興衰藉小詩主客相望同有感杯觴到此總相宜當筵

莫笑多蠻語待勒三山會合碑

時廖竹臣太守亦在座先是林少穆中丞欲製三山

會合圖以紀江南閩宦之盛故云

閩夏既望長沙陶官保招同紀萬斯世兄程定甫謝
椒石林虛亭三同年集廣陵行館之四并堂卽席

賦謝索和

風漚靈證大羅緣盡把官常禮數蠲三十年餘一彈指幾

千里外又差肩

座中五人惟定甫世居甘泉餘各距家數千里

杯觴談笑都能健

軒冕湖山各自賢愧我勞人方觸熱雲龍追逐獨茫然

四并堂深暑若忘五君何必判山王賓僚愛近陶家甓門

館齊憐陸氏莊

謂紀萬斯

邂逅幾能良宴會畫圖須繼小滄浪

春明舊侶聞應詫畢竟江南信美鄉

俞陶泉都轉招同長沙宮保及李蘭卿觀察飲於東

園卽席賦謝索和

揚州東園三先後各建置蘭若本分區蓮性亦得地

蘭若爲天

寄寺下院分房賀園在蓮性寺之東皆名東園茲園乃出江氏構梅花嶺畔創新

意麟游鳳舞成巨觀圓嶠方壺在人世隴西都轉敬愛客

長沙宮保肅先至

是日宮保與都轉爭作主人故先至

江關權使翮少年四

座清談若泉沸長槐高柳暑不驕沈李浮瓜爽難醉熟聞

茲邦盛臺榭劇憐舊蹟多荒蕪二分明月近如何剩此區

區金粉麗地靈自古託人傑星聚祇今等電掣逢場詎戀

泉石佳勝會直須文字繼我家小園名偶合草堂早有移
文至何當縮地轉相邀坐挹榕風擘香荔

爲蘭卿觀察題其尊甫李研雲邑侯

鴻瑞

南武奉祠

圖卷

研翁吾舊好三十幾年來但愛文章

鹽余與研翁同入誠交社及瀛社文課

者二十餘年誰知幹濟才一官淹柱石萬口頌臺萊直道斯民

具豐碑早庀材

自惜來旬晚難追長吏賢花封曾屢過政譜尙喧傳上相

祠堂記

潘芝軒相國

名流窈石鐫

郭蘭石廷尉

我還證公牘定論已

昭然

疏濬關因利征輸凜逐流方今民瘼亟早繫老成憂遺愛

應胥勸崇祠已再修

祠經重修觀察復繪成第二圖

舍侯難取直此事向

誰求

事詳潘相國記

羣紀論交久郊祁並世生真看蔚時棟都與溯家聲荔海

名同壽榕風耳共傾

余近纂閩省通志擬爲研翁立傳他又輯閩詩方就觀察索其先集也

年循吏傳便擬接西京

題蘭卿湖淮紀游畫冊

高堰隄行

保障豐功不可忘廣陵之後又文襄

高堰築於漢廣陵太守陳登至我朝靳文

襄公復大加修治

重門舊址分明在惜未相隨並轡商

靳文襄會建高堰二

隄二未竣而去余在河上力主修復之議竟格不行

老山晚眺

老聃言道未言丹訪勝空嗟井竈寒

老子山相傳是老子煉丹處井竈尙存

怡喜碧雲吐華月曾孫已立幔亭端

淮濱尋源

尋源何必溯桐胎但幸支祁夢不同七可敵黃三濟運能
遵成法卽通才

卷二

龜山訪古

三年淮浦首空回未向龜山禮辨才始信俊遊關福分天

成畫稿與詩材

盱眙看山

百四峯頭借箸籌魚龍氣肅鸛鵝秋

是役隨陶官保相度新設洪湖水師營汎

巨靈倘得開山手尙欲隨君汗漫游

相傳盱眙縣南有河可洩淮注江而苦爲

山岡所阻

碧泉品茗

湛碧輕甌活火爐出山清與在山符閒情欲索江村句韻

事應添石鮑圖

余近以高江村茗壺贈蘭卿索詩未報又爲題尤水村石鮑圖

洪湖泛月

黃流不解浣明月

黃山谷句

萬頃波澄萬象清誰識江湖憂樂

意樓船危坐共關情

周橋聽雨

今昔情形兩語該此橋終古莫輕開

東去只宜疏海口西來切莫放周橋前明

河上要語也

懸知話雨兼籌水記取瞻言百里來

近聞洪湖不蓄水則蓄清

敵黃之成法漸付空言矣

題鄭蘇年先生抱膝遺像後

此余婦翁鄭蘇年師二十餘歲遺像也適從外家廢簾
中檢得重爲裝軸附入行篋過吳時以示少穆蘭卿皆
有題句因次其韻各一首

遺書床上樹階前想見華齡逸興翩誰料傳經違素志竟

將抱膝付餘年

先生作此畫後旋以足疾終其身

半生孤露空將母

先生母廖

太孺人苦節後先生二十餘年始沒

一卷西霞或望傳

先生西霞文鈔曾經章鉅手編付梓不

待山邱傷宿草畫圖成識早堪憐

三十年來露電驚近聞門下又門生河汾事業聲方大臺

閣文章老更成

上句謂少穆撫部次句調鉅夫侍郎

讀集漫同車若水滂源

誰念趙邠卿海邦文獻慙操管珍重千秋身後名

時方修福建通

志擬爲先生立文苑傳

賀程定甫重遊泮宮

一周花甲閱名場尙憶僉僉弟子行
盛世耆英能有幾
秀才風味最難忘
達尊望肅青衿首晚節花濃綠野堂
聽萃笙重奏雅我來更進九霞觴

病卧揚州長生菴卽事

萬慮都空萬象澄
通宵無睡對殘燈
不緣兒輩頻存問
便是一菴初白僧

海山游戲孰差排須信吾生自有涯便去也應赴堯率那
耽禪智墓田佳

形影神偏贈答忙非因非想杳難詳朝 天一片靈臺炯
照徹魑魅萬狀狂

偶資佛力鎮煩疴一卷金經百遍哦

逢兒爲延僧誦金剛經

誰識回

心向初地此身早是病維摩

扶持翻先劇病纏呻吟聲響短床連

映兒瘡先作亦先愈

五噫本是

吾家調聊伴前龜梵唄喧

兼旬眠食太支離珍品頻煩舊好貽深愧猪肝累閤府相

酬只有打油詩

俞陶泉都轉及程定甫廉訪頻餽食物

博得清閒一事無
閉門風雨學跣趺
但言過去渾忘却攬

鏡誰知失故吾

風花彈指廿餘年
生日都無杯酒緣

二十年前挈眷入京初度日亦病卧津門

與此次月日正同

一樣淹留兩情味
回頭老淚獨潸然

七夕

客中病後總關愁
更怕聽人說女牛
剩有詩心覩天巧
僧廬風月一身秋

病後觀黃曉山明經于清和道人對弈皆廣陵高手

也作詩示逢辰映辰

我少不好弄不識擣蒲齒而頗嗜手談心粗力復靡憶侍

大父旁竊聞薛叟旨逃學日再三偏愛收落子厥後鍾與

林迭擅東南美我曾熟往還皆獲聆授指

乾隆年間吾鄉弈者以薛翁師

月爲國手與先大父交最篤嘉慶年間鍾望皋林懋敬先後迭起則較薛尤精

蹉跎數十年不

能精一技屢進而屢退怠忽徒自恥一官慙中外此事誠

廢矣繁年偶涉手故步失如徙病餘學閉關長日每倦亂

坐馳固不宜枯寂亦未是計惟觀弈可或資收聽視隱隱

却睡魔沈沈度炎暑明經通國雄道人相去咫尺藉彼活潑

機滌我胸慮澤無忘又無助神行官自止用心卽養心淵
乎中有恃兒曹有同嗜營營勦不已藉言舞萊娛賓動見
獵喜逆旅偶無妨長溺戒胡底博弈亦何分養志詎在此
藝成本多端興到聊復爾卓哉韋曜論且與熟選理

舟過寶應晤朱詠齋尙書

登堂夙約倒芳樽誰信溪流不到門憐我蓬窓支病榻累
君葦岸枉高軒談深共有華年感坐久都忘太宰尊十載
分攜三小聚江南江北總銷魂

自壬午以後余與君一見於袁浦再見於吳門及此

三度皆匆
匆卽別去

詠齋尙書以新梓先集見惠并屬作畫像讚各一首

明雲南左叅政朱凌溪先生像

應登

日月胸次行虹蜺筆端起行高文奇畧所詣屈賈餘徽公
繼起荃芬蘭澤不能死請視騰芳在孫子

明九江府知府朱射陂先生像

日藩

金在鎔玉式躬勵古逃名名適從詩學泱泱振大風爲郎
作守峻厓隅至今清譽入歌嘏更有傳文山帶閣

清江浦喜得宋搨本醴泉銘

歐碑世罕存醴泉銘最勝但惜漫漶石莫尋波磔徑我愛

宋搨本所見嗟已僅蘇齋許借觀索取期必信

蘇齋所藏兩本皆曾

借出而匪

吳門有大軸較值悔我悵

在吳門時有以宋搨大軸未剪本來者因

索價太高不果售

張郎

卿

昔所貽蠶蠟迥不近微嫌補湊迹百一

間可認三年結夢想玩物亦妨性意外歛飛來狂喜強自

鎮古人自有真評估資此定豪分覷黍珠墨彩溢窻鏡源

漪篆隸合派開顏柳正居然魏鄭公斌嬀蘊精勁眼福得

未曾餘本可掃剩據舷豈所屑揮金不自禁行櫺頓生輝

呼觴且稱慶芝山跋已佳覃師筆尤儻却笑秦敦叟空空

附篆印

秦敦夫舊藏本有宋芝山及翁覃溪師兩跋

船窓欲追摹腕力愧不進

兒曹有同好得此盡孟晉

題萬淵北別駕

承紫

還讀書室畫卷

萬君我同官日同畚鍤議苦讀河渠書力疲神且頽自我
去袁浦君亦脫羈縈無官轉灑然奉母樂無事時還讀我
書陶語有深契讀書又讀畫虹光貫櫺笥愧我纔拂衣炳
燭或可覲間雲去復來披圖面如醉讀書貴致用君才本
俊異宣防亟需賢正待識途驥讀書可貽後令子青雲器
琅琅聲相聞亦足暢心意君家後必大茲圖其職志有福
方讀書古語真有味

題姚少師畫美人

畫作白描意態澹遠手團扇一扇對芙蓉花一株欵云
姚廣孝補三君子詞意卷前有陳緝高啓倪經三詩同
韻皆寒閨夜織寄遠之詞與畫畧不相應也萬淵北屬
題戲附絕句一首

病虎偏能畫彼姝英雄禪寂兩支吾秋花團扇千何事遮
莫申申是女嬃

爲王蓮舟貳尹

湘題署齋侍膳畫卷

蓮舟用世才河上官最久官卑亦何樂所樂在奉母有官

卽爲家有園可種花絳趺復朱萼循陔鮮晨葩我聞善治
河要在順水性養志豈有殊委曲得其正又聞行水者必
除噎哽病養體亦如斯所貴在一敬我披侍膳圖知君歡
有餘出門奉官長入室宜妻孥此圖足激發此意世所忽
達官中外多對此氣應奪河防急需賢積資必超遷求忠
卽在孝願君還勉旃君母老益健諸孫且粲粲他年滿床
笏更進青精飯

禦黃壩口渡河

又鼓黃流櫂偏爲澹蕩人驚心覩初地回首感勞薪休

公無渡徒嗟伯不仁東風吹浩浩一笑是知津

楊家庄登舟

半生奔走燕齊路買權漕渠已三度回頭陳迹四十年離
合悲歡等朝露今番病骨憚馳征起居真合扁舟輕魯望
藥鎗便攜取襄陽畫簾任縱橫但愧懶雲重出岫蒲姿難
免觀河皺水流花開本無競豈學小兒誇疾走宴坐清談
無不宜偶緣破睡或圍棋免驚茆店三更夢添作蓬窻數
首詩

任城舟中

離合周遮現翠鬟
龜鳧都作畫屏看
蓬窓忽露巘
岵影獨
愛斜陽看嶧山

七十二泉清復深
湖雲隄樹轉陰陰
北流地却名南旺似
我孤雲蕩漾心

連日雷聲捍索纏
忽欣過牖轉安便
倚蓬失笑頻
又手詩
思遲於下水船

退菴詩存卷二十五

福州梁章鉅蔭林

八月十九日舟至天津登車作

朔後甫解纜望後已登車計程二千強爲期半月餘汶河
數十牖上下如康衢衛河數百灣風水相貫輪頗聞齊魯
郊輪蹄困泥淤舟行無此快似有神理驅回思出門來百
日何滯濡後速補前遲盈虧悟乘除篷窓惜荏苒微吟如
追逋開懷便西笑信宿朝上都

二十三日赴西苑遞摺銷假仰蒙召對恭紀

十年夢觚稜三載伏田里敬聞

宣召來瞻

天果有喜喜臣病已除胡爲嬾不起謂臣貌未瘳必得養
生理臣本蒲柳姿分當守蓬蒿何期被春溫頓覺振懦靡
況承

天語真許以卽任使中外惟所值揚歷復此始溫霽識

龍顏蹉跎愧馬齒

上詢年紀謂臣不過五十左右謹答實年六十有一上爲駭然曰極不似

想來養生之法甚好敢云罷不驚深秋汗如泚

二十四日授甘肅布政使翼日繕摺陳謝復蒙

召對恭紀

朝

天甫霽次越日卽拜官

天心正西顧往哉作屏藩隴右天下脊扼要當巖關地瘠民復貧求瘼良獨難曷以整綱紀兵民永相安曷以善控制中邊肅無譴協恭戒其褊澄敘防其寬

恩誨極周深所懼臣力孱回思藩吳日遷地復殊觀隨方勉報稱敢負

恩如山

退菴詩存

卷二十五

三

二十六日 陸辭恭紀

晝日正三接有

命催俶裝

訓詞已申儆兼與

詢家常攜家本未曾問家轉蒼茫

天容似爲動

天意未可量汝家東南嶠汝官西北方相距萬餘里且去
休傷惶壯遊固所願遠志敢不獲邊政藉練習詩境資蒼
涼但緣

垂念慈未死迴深腸默嗟泉下人聞此增感傷

吳紅生舍人

葆晉

以壬辰閏重九詩畫卷索題卽次

卷中原韻

旬餘滾滾縉塵客僅此披吟半日閑九日馳驅佳節外

將

重陽後一日出京因

百年俯仰畫圖間

卷中有乾隆年間閏重九詩事計此

借用韋蘇州詩語

後閏重九又

登高祇惜遲良會望遠先應憶故山

余以壬辰閏九

約須百年又在里中與諸同人舉展重陽之會

畱得鴻泥作詩話博君一曲度陽關

時

紀行詩索紅生和作

題蘇齋師與吳香亭先生手札卷後

吳紅生所藏

老輩風流墨未乾當年往復罄交歡
吾齋亦有尊聞弄惜未摘來並凡看

談藝斷斷不苟同吾師殊有古人風
虔誠敬慎全交道

札

語

此紙真堪質籀翁

卷中有詆訕錢籀石先生之語而余在蘇齋談詩時則熟聞吾師推服籀

翁甚至與此札正堪互證

中山旅店對月

共此三更月偏爲萬里游
關河耿遙夢風露怯深秋
薄醉心先嬾枯吟句屢休
兒孫勞望眼團坐望皇州

清風店菊花

清風店名絕可喜晚菊數本尤娟娟重陽已從忙裡過
酒聊作塵中緣勞生形役正未艾遠道風花空自妍四更
明月又催去夢到故園三徑邊

滹沱河舟中作

九月旣望晨過正定府縣令遣役導余渡河河中沙痕橫亘涉澗再三始

達北岸而東望則長橋已成車馬如織僕從惘然余亦自笑見事之晚也因口占一律紀之

正定城南路阻修不能遵陸且牽舟誰知早日長橋就翻
作閒情枉渚游耳食縣官多恍惚朝饑客子轉夷猶滹沱
泛櫂聊堪畫記取葭蒼露白秋

過河南府懷齊大北瀛

退菴詩存卷二十五

四

行行洛陽道望望北邙塵到此忽有感淒然懷故人名花
背初日綵服負青春洗眼見嵩少臨風泪滿巾

君嘗招
游中嶽

西行紀程十六首

欒城縣

胥山發跡處舊碣猶崢嶸但恃吉貝富不聞絃歌聲

栢鄉縣

栢鄉非栢人槐水豈淮水空餘漢祖亭安得王君履

王喬
曾作

合此
邦

邢臺縣

龍岡源自長駕水清可飲泱泱水田聲一片江南景

邯鄲古觀

卅年三度過夢覺總迷離最是難忘處斜陽啜茗時

壬午年與

清河夫人停車啜茗於此

磁州

昭義本臨水磁州卽惠州藺廉不可作漳滏亦分流

臨洛關

臨洛古形勝昇平安足論千秋祠不毀始識斯人尊

俗傳明末

流寇過此相戒不入冉子祠。

安陽縣

何處藍嵯路依然紫陌塵所嗟十二陞修復竟無人

淇園

淇竹古稱盛今來無一枝近聞塞瓠子何以供櫬裔

時武陟黃

河有險工

獲嘉縣

丹水難津滌盟山亦劫灰但尋卜子墓遑問姐妃臺

修武縣

韓公寶邦哲竹林有遺徽驅車問方志猶疑孟與輝

懷慶郡志

以韓文公入孟縣河南通志以
七賢竹林入輝縣皆當訂正

河內縣

丹自東南分沁可西北漑覃懷利在茲盍亦籌其害

近年沁黃

並漲實爲東河之患

孟津河

西來已滾滾東去更如何此是無工處中流但浩歌

黃河兩岸

不設埽壩處謂之無工

慈澗

卽澗水俗作磁澗

新安山水縣卅里溪流喧居然山夾水大可營稻田

退菴詩存卷三十五

六

鐵門

在新安縣南三十里水經注
謂穀水東徑鐵門山卽此

缺門卽阨山今乃訛鐵門穀水徑其際盍徵酈道元

硤石鎮

在陝州

硤石實地險古之峭陵關時平仍犖确徒嗟行路難

函谷關

在靈寶

東去雞聲渺西來紫氣斑此真古函谷莫更誤新安

新安縣城

北有石門上題漢函谷關乃
漢時爲楊僕移置非舊蹟也

潼關

千盤樓堞欲凌空壓盡秦關百二雄殷地河聲蟠兩戒繞

城嶽色拱三峯一家中外何煩守四扇規模豈待同愧我
小詩不相稱高吟合讓濟南翁

時喜晤濟南詩人周二南

灞橋問渡

照眼欣然到灞橋問津轉復滄迢迢不知何日彩虹斷開
道頻年藍水驕長吏急須籌利涉征夫但解說魂銷

俗稱灞橋

爲銷魂橋

祇今驢背詩人少剩有青青萬柳條

邠州大佛寺

唐尉遲敬德所鑿

古幽石佛鎮崇巉鄂國英姿信手劖要與大千增岸異普
教丈六讓尊嚴地當履跡遺墟壯景稱凌煙傑閣嵌却憶

真興坡老句古人作事信非凡

范文正公睂壽堂故址

歌幽勸稼一書生睂壽堂前起頌聲
膽落羌戎非尙猛學兼洛蜀復能兵
先憂後樂神如見乞郡安邊志早貞
小住豈嫌窮塞主回頭壺粥有餘清

平涼道中

我行半天下不覺近邊陲
隴水多鳴咽羌山易蔽虧
沙明殘月淡瘴重曉暎遲
欲問崆峒道王程恐後期

安定道中

安定古羌戎山形莽回互摩天如可階拔地訝無路秤鈎
驛最奇奧折亦豁露肩輿似懸旌往復但餘怖去跟歷來
頂躋攀窘莫駐前驅接後騎旁睨不煩顧一重一掩多再
接再厲屢平生此奇絕靜觀有別趣所惜皆土山一派如
塗附更嗟地不毛毫無着色處倘教變石質間以雜草樹
武彝與雁宕對此當却步愧無柳州筆又乏杜陵句短章
聊紀行畫史或可付

會寧道中

會寧水離奇平野自漫衍七十二道溝方志所未纂相傳

往來客長年溼到跣最苦夏秋交病涉無一免我來已十
月沮洳雜冰濂輿夫履如割馬足凍欲跪熟聞此方民憂
潦不憂旱盍與請溝洫導之成澮畎縱云土性瘠要識泉
脉遠人工倘不懈地力漸富轉原田佇每每履道亦坦坦
敬告良有司率作幸無嬾

六盤山

百十回旋始到巔六盤名實竟相懸俯臨隴塞千峯拱直
抵崆峒一雪連天險卽今成浩蕩神威終古鎮中邊

山頂有闕

帝廟屢著靈異

行行頗似仙霞路回首鄉關却惘然

丙申二月調任保陽程玉樵廉訪德潤以詩送行次

韻答之

金城重地幾邊臣代我旬宣澤正春兼任力堪作時棟時兼

維藩泉雨篆當官夢不離秋菰五泉水共盟心照千佛山餘舊

跡陳君與余皆曾官歷下從此隴頭煩遘羽頻教直北望西秦

王母山

隴干地脉盡涇州王母山前景最幽碧澗丹厓忽如畫琪

花瑤草不知秋居人未識回中樂行客猶餘塞上愁聞道

瑤池最深處定饒吉露灑邊陲時方望雨

退菴詩存卷二十五

驪山

千行雲樹尙攢厓一碧華清盡繞階
暴主妖妃俱劫土清泉白石是高齋
好山只作遺墟看侯館無如此地佳
愧我塵勞戀桑宿重來詩句始安排

溫泉

溫泉何有人詩瓢此地芳各自古標
幾處池塘源自貫千年粉黛氣全銷
粼粼砌石憑支肘泱泱懸流恰到腰
瘦骨頑軀那相稱振衣聊可樂今朝

華陰廟

少皞之都尊收府中有顓靈執瑤矩巖巖太華極穹蒼萬
里金天此堂廡入門但見詖蕩蕩便似瑤霄達帝所倚雲
傑閣一千尋左挹明星右玉女集靈宮與望仙門想見漢
京舊區宇神功恢詭神穆然金支翠旗拱主俎亭毒風雲
孕膏澤力將萬寶生成溥憶昔停車宿岱廟域中兩大齊
快覩丞相中郎蹟並湮負此名區能勿憮岱頂秦篆久不
可得見此廟漢
碑並拓本周松漢栢厯可指金石壽轉難爲伍虎賁堂下
亦稀見矣
尙橫陳盧厚山官保重刻華嶽
碑尙仆庭中可嘆也安得歐公起集古

丙申五月入 觀出京賦謝諸同好卽次程春海少

農贈行原韻

名華實非充謀大器自薄所用違所挾方圓互柄鑿小儒
忝藩屏窮相稱巖壑流急豈難退風利乃轉泊

垂衣忽旁求延訪在廷博暫容憩微疴肯任謝羈絡退飛
本殊鷁求伸詎比螭綏邊隴干去扼要赤緊託策驚方屏
營驂鸞益寥廓驚言遇順鴻敢同不舞鶴忝逢

盱食朝屢對邇英閣敷陳答

前席感激非好爵明發當如何矢詩惟紀畧

昔我屢假節坐撫江南東真除乃西指依然三江雄

粵西以府

江左江右蠻酋睨其邊矜犇錯其中靜鎮復平施此理中
江爲三江
邊同張弛倘乖宜何由慰

深宮憶爲窮塞主充街雜羌戎樂我文無害帖然守淳風
遷地儻能良卽用蘇困窮君看范致能但收不擾功

兼旬戀春明過從仍舊轍素交風義重排日餞席設酒闌

詩遂成一一堪擊節司農義卓濶言情復吞咽春海少農首唱李

卓齊繼聲軟語境又別芝齡總憲海帆少繡衣白雪詞何

有於執熱調朱雲陸廖儀卿二觀察餘亦鏘瓊琚持贈共怡悅何況定

菴文高情俯危岳頌我卽規我令我俗慮徹所慙揚厯優

撫字政亦拙翹翹畏友朋上負

知人詰莫辭道里遠莫畏伏暑烈臣身隨風雲臣心自冰雪撫髀感年華揮手謝英傑蒼梧有雁迴共佇疏麻折

爲李芝齡總憲題壬戌同年雅集卷次陶宮保韻

到眼蓬山幾故人回頭人海卅餘春垂垂鬚髮齊蒼老落

落形骸總性真省闕鵷鸞愧無分滄浪魚鳥最相親

余在吳門

作小滄浪雅集圖實爲同年繪事之唱

離情忽逐灘江遠獨憶巢痕望

帝闔

喜得關中本華山廟碑次冊中筒河老人韻

華山蠱三峯萬古青不磨華廟碑一片久矣難摩挲我昨

登山復謁廟眼底盡作雲烟過區中三本歛來一歲陽加

丙時南訛郭王考藏厯有緒亦如杜遷郭香相砥劓細尋

跟肘非廣鼎陳倉之碣同曰科神物但蘄歸得所椒花藤

花豈殊窠憶窺東閣整標幘幸恢眼福資長哦嘉慶癸酉因謁阮雲

臺先生於淮上獲觀萬墨齋頭最完搨長垣本想像猶等峒

碑歌此物神交四十載耿耿星宿胸中羅洪惟儒宗擅鑒

識當年先德承切磋先通奉公會受業笥河先生之門因獲與同人侍觀此冊成七言古詩一

首獨爲先生所獎傳觀各許見深淺獻技獨不遭譙訶墨

訢今詩存先集中

緣詩事痛茫昧俯仰身世幾刹那一函到眼想手澤坐歎歲月如奔波深虞至寶失交臂貪癡未免傷天和千金買

駿勝買笑懷瓘上估無偏頗茲山靈基蘊神秀金天萬里

開岷嶷茲碑側聞仙所染端莊流麗明星娥

仙人染就延熹碑飄落人

問祇三卷雲臺先生題四明本句也

娜嬛仙翁首指引紫微仙使功尤多

此碑

之來指引者爲雲臺先生往復議成者爲祝雲帆閣讀

驚心動魄還自鎮聞思默已

歸三摩匹夫懷璧眾所媚貧兒暴富亦可呵更憐老去目

力倦臨池枉貯千丸螺笥河主人吟又訂點竄騷雅揮蟲

蚪漫思繼聲屢摘舌小巫也許矜婆娑太息蘇齋墓宿草

石墨樓亦封烟蘿硬黃巨軸我曾見壑舟遂付豪家馱

蘇齊

師有油素鉤填此碑大軸極精審余曾題名其後昨詢諸其家亦不知所往矣廿六跋蹟尙粲爛

滿幅柳脚紛虞戈所惜桂馥伊秉不可作賞析誰與同懸

河珠湖祠刻定當仿百字之缺姑由他四明本已爲雲臺先生摹刻於珠湖

祠異時或稱三山本隨刀味且叅如何

過大梁錢心壺給諫以詩相贈次韻奉答

一別十年久小聚三日畱明知良會不易值 王程那得

逍遙游好風巧能合萍水大梁道上遇錢起錢郎昔住冠

蓋里補闕拾遺佐上理無端斂翼青冥間收拾琴書還故

山故山無地堪息陰
饑驅又作出門吟
白鷗浩蕩隨地好
汴水珠江孰淺深
憶昔宣南熱往返
滿座儒林復文苑
銷寒一集詩一本
酒邊茶餘忘歲晚
祇今中外幾晨星
安得一方重繾綣
君文揚馬詩陶韋
想見桃李芳盈扉
愧我粗官遠封圻
行復揮手驅驂駢
願君吉祥且止止
滿城高誼

比緇衣

謂燕山中丞桂山廉訪皆與君相得甚歡

洪山寺

舊識洪山勝
今來暑氣清
雲煙歸一壑
竹石護三成
寺凡三層
綠山地上
地僻江聲遠
堂高塔勢平
斜陽入城市
回首若爲情

小住鄂垣張韓山方伯

岳崧

招同程春嵐廉訪

銓

于

蓮亭

克襄

查瑤圃

丙華

二觀察登黃鶴樓飲於仙

棗亭次壁上楊雪椒廉訪韻賦謝時七月七日

憶此登臨倏幾遭依然丹嶂俯銀濤人隨西蜀雙流合勢

壓南樓百尺高

庾樓近在城中

琴語頓消秋暑酷

時聽少白道人彈琴

詩腸

齊逐浪沙淘欣逢樂歲宜觴詠笑看韞車滿漢皋

一麾南郡首重回幾得如斯勝踐陪

余守荊州時曾三至鄂垣皆獨游此地

宦跡偶成今雨話王程且待好風催

擬游大江至長沙

塵間良會

同靈渚忙裡閒緣補吹臺

過大梁時同人招游吹臺因雨不果

可有聚星煩

史筆東山已送月弦來

岳陽樓

長風浩浩浪花遒煙水茫茫堞影浮極望方知雲夢濶微
吟恰到洞庭秋徒憐滿目皆舟楫誰向蒼生問樂憂孟句
范篇俱愧讀祇應飛過岳陽樓

君山

萬頃寒雲半夜舟朦朧舊夢怕回頭

四十年前夜渡洞庭於月影朦朧中望見

君山祇今風日無邊麗似有仙靈出水游蘭芷芳心迸此地

魚龍廣樂莽初秋無端莫鼓華年瑟多恐湘君較我愁

衡山縣城外望衡山

衡山大如何靈嶽鎮南紀高標七二峯橫亘八百里迴雁

昂其頭嶽麓濶其趾

長沙城外之嶽麓山即七十二峯之一圓經言南嶽周八百里回雁爲首

嶽麓爲足

我雖未登陟已共山迤邐湘帆九面看望望具神理

何煩躡祝融徒增腰脚飢响嘯碑旣沒嬾殘宅人徙不如倚蓬窻坐對白雲起

浯溪

瀟湘清絕冠塵寰更愛三吾樂意關一帶溪山聯楚粵千

秋文字重元顏臨風韶馥何嫌碎

皇甫湜詩次山有文章可愧只在碎挂壁

蛟龍豈等閒匝月篷窗須豁眼振衣已把俗情刪

步上屠臺讀磨崖中興頌

兩間名物各有主山川也要人依歸一邱一壑名所繫偶
得並不煩沈碑漫郎功業小金印滄溟逸興偏淋漓瀟湘
合流自遠古獨此甘讓名潛溪晤亭屠臺旌吾有製字直
欲參倉叢幸逢國家大業盛小臣早放瓊琚詞大書深刻
千古事屋痕漏到天南陲廿四城中忠義氣三百字裡雲
雷隨文章氣節相映發正如杜和春陵詩好名得名物亦
壽已共流峙分雄奇涪翁刺譏到靈武當年豈謂中興非

要知二公撰刻意但有忠愛無微辭論人家國莫附和泥
人山水須棲遲落帆安得十日住盡攬秀淑探瑰琦後來
紛紛亂題鑿姓氏十一九已迷更當倒斟江上水淨洗崖
石無癥疾窪尊可以滌腸胃鏡石可以涵鬚睂回舟急與
摹清景欸乃聲中俯綠漪

瀟湘行

三湘貫南楚瀟湘最所稱

湘水與蒸水合者爲蒸湘會長沙諸水者爲沅湘惟上流與瀟

水合者爲瀟湘

空江有何好冷然惟一清少人而多石永州古馳

名多石亦何好粲然不一形一清乃殊致內景卽外呈瀟

藍孰所染湘碧何所凝

瀟藍湘碧古圖經語

或流雲生煙或湧月涵

星百尺亦見底並無藻荇紫殊形更殊色紫翠雜絳頰想
當媧煉餘五色遺崢嶸或如潑墨紙濃淡虛白并又似鎔
錫汁投水紛瓏玲我來半月看正當秋景澄篷窓百開闔
眼福曾無停夾江盡畫稿但愁畫難成安得孫知微繪影
復繪聲安得黃子久神化於丹青畫難詩更難意匠巧必
爭愧我才力弱負此行勝經甘讓柳柳州卓哉以文鳴

全州拜無量壽佛真身塔並讀湘山志

楚南第一古禪林千載湘山歲月深洗鉢池邊秋水冷布

金樓角夕陽沈淳熙寶慶同靈感嗣聖咸通自昔今堪笑

此邦無舊志不如彼教有遺音

山志稱佛於唐嗣聖間出家咸通間涅槃宋淳熙間

除蝗害寶慶間靖崗徭皆著靈異惜向州牧索閱州志不可得